



1ERE SESSION ORDINAIRE POUR 2018  
PRIMA SESSIONE URDINARIA DI U 2018

REUNION DES 26 ET 27 AVRIL  
RIUNIONE DI I 26 E 27 D'APRILE

2018/O1/025

*Question déposée par Mme Anne-Laure SANTUCCI  
Au nom du Groupe « FEMU A CORSICA »*

**OBJET :** Lingua è Educazione.

O Sgiò Cunsiglieru,

Dapoi qualchì ghjornu face dibattitu a lingua corsa inde l'educazione è l'amparera. Omu si dumanda qualessi sò i mezi è s'elli sò veramente à livellu di ciò ch'è no vulemu per custruì una sucetà bilingua.

Riforma di a scola, duppiamentu di i cp, carta sculare, prughjetti di scole immersive, cuntinuità di e filiere bilingue, sviluppu di a furmazione, dutazione di l'ore ind'i cullegi... Nascenu une poche d'interrugazione è di dumande ind'a sucetà.

O sgiò cusiglieru, sapemu chì a nostra cullettività ghjè impegnata di manera assoluta ind'a salvezza è u sviluppu di a nostra lingua.

A prova inde l'educazione incù u CPER, e convenzione incù u Statu messe in opera à traversu u dispositivu accademicu, è pè compie a lege di u 22 di ghjennaghju di u 2002.

Ma oghje ghjornu, pudemu dì : basteranu tutti st'arnesi di pettu à u pianu maiò di riforme vulsutu è messu in piazza per u Guvernu ?

Cumu si ponu accuncià l'oghjettivi di unu è di l'altru, è chi ponu esse l'azione di a nostra cullettività ?

Chì u nostru scopu maio ghjè chì e nostre duie lingue possinu campà è parlà in seme, « parlà ne fiume à fiume. »

À ringrazià vi o Sgiò Cunsiglieru.